

## Акафист преподобному Гавриилу Самтаврийскому (Ургебадзе)




### Тропарь св. Гавриилу Самтаврийскому Глас 8

Николи́же своея́ сла́вы жела́я, то́кмо сла́вы Бо́жия,/ юро́д во Христе́,  
преподобне́ отче Гаври́иле, яви́лся еси́,/ и идо́лу не покло́нся,  
всесо́жжение Бо́гови прине́сл еси́,/ и храм Бо́жий воздвиг, ду́шу свою́ храм  
благоле́пен соде́лал еси́,/ и зерка́ло чи́стое Боже́ственныя любве́ яви́лся

еси./ О́тче Гаври́иле блаже́нне, испове́днице и преподо́бне,/ моли́ Христа́ Бо́га то́ю любви́ю ороси́ти и ду́ши на́ша.

### Кондак, глас 5

Свети́льник горя́й и светя́й/ во времена́ безбо́жия яви́лся еси́,/ и зарю́ благоче́стия всем возсия́л еси́:/ те́мже Госпо́дь тя просла́ви,/ своя́ безвѣстная и та́йная тебе́ яви́в:/ о́тче Гаври́иле,/ моли́ милости́ваго Бо́га/ поми́ловатися ду́шам на́шим покая́нием.



### Акафист преподобному отцу нашему, юродивому Христа ради и исповеднику Гавриилу Самтаврийскому (Ургебадзе)

«Любовь свою оставляю вам в научение».  
Прп. Гавриил Самтаврийский

### Кондак 1

**М**у́дрости ве́ка сегó юро́дство креста́ Христо́ва предпоче́т, вся́ ми́ра сла́дкая и льсти́вная яко́же изгре́бие пе́щное вмени́л еси́, о́тче Гаври́иле. И крѣст сво́й взѣм, еди́ному Христу́ послѣдовал еси́ изде́тска и до послѣдняго издыха́ния. И та́ко вше́л еси́ в Небе́сныя Оби́тели, иде́же ны́не предсто́я своему́ Влады́це, мо́лиши о на́с, пою́щих ти́:

Ра́дуйся, блаже́нне Гаври́иле, любви́ твою́ в науче́ние на́м оста́вивый.

### И́кос 1.

Ева́нгелие обрѣ́т, яко́же сокрови́ще, на селе́ сокры́тое, с ра́достью вся́ расточи́л еси́, да Христа́ приобря́щеши, и яко́же ку́пленный ра́б в виногра́де Госпо́днем нелѣно́стно де́лал еси́. И мы́ тебе́ поѣм:

Ра́дуйся, де́лателью пе́рваго часа́; ра́дуйся, яко́ раба́, ничесо́же сотвори́ша, себе́ вменя́я.

Ра́дуйся, я́ко апо́стол Андре́й, на зо́в Христо́в не замедли́вый; ра́дуйся, я́ко Пе́тр, горя́чим се́рдцем его́ прие́мый.

Ра́дуйся, от Него́ ничто́же себе́ утай́вый; ра́дуйся, я́ко ле́пте вдови́чи все́ жити́е свое́ в да́р Бо́гу вве́ргну́вый.

Ра́дуйся, до́брая земле́, на нейже се́мя прозябе́ и припло́дова; ра́дуйся, тала́нты, от Бо́га да́нныя, мно́гажды возрасти́вый.

Ра́дуйся, блаже́нне Гаври́иле, любо́вь свою́ в науче́ние на́м оста́вивый.

## **Конда́к 2.**

**Е**ще́ греха́ не позна́в, на плоть свою́ воору́жился еси́, похотству́ет бо на ду́ха, я́коже апо́стол рече́. изде́тска не ве́дая сы́тости, ниже́ мя́гкаго ло́жа, чтению́ же Ева́нгелия прилежа́ и усе́рдней моли́тве. Таковей́ тво́ей ре́вности о Бо́зе уди́вляемся, глаго́люще Ему́: Аллилу́ия.

## **И́кос 2.**

Раздраже́н тво́ими по́двиги, бе́с яви́ся ти́ я́ве, отмсти́ти хотя́. Оба́че Госпо́дь от рождéния храня́й тя́, я́ко сосу́д сво́й избра́нный, благода́тию Сво́ею тя́ сохрани́. И мы́ тебе́ взыва́ем тако́:

Ра́дуйся, измла́да к себе́ жа́лости не имéяй; ра́дуйся, о́троче, бе́су противобор́ствуяй.

Ра́дуйся, и ма́тере ра́ди от о́браза жити́я свое́го не отступи́вый; ра́дуйся, саму́ ду́шу свою́ в ми́ре се́м возненави́девый.

Ра́дуйся, в ме́ру дрéвних отце́в во бде́нии и по́стничестве прише́дый; ра́дуйся, ине́м же по си́лам подвиза́тися благословля́й.

Ра́дуйся, плоть свою́, я́ко же́ртву живу́, святу́, благоуго́дну Го́сподеви принесы́й; ра́дуйся, за словеса́ Госпо́дня сохрани́вый пу́ти же́стоки.

Ра́дуйся, блаже́нне Гаври́иле, любо́вь свою́ в науче́ние на́м оста́вивый.

## **Конда́к 3.**

**М**но́го скита́ний претерпе́л еси́ ты́, о́тче, еще́ о́трок сый, ходя́ из монасты́ря в монасты́рь, до́ндеже прише́л еси́ в Бетани́ю, нашéд отце́в сво́их духо́вных, с ними́же ны́не поéши Христу́, тобою́ возлю́бленному, хвале́бную пе́снь: Аллилу́ия.

### И́кос 3.

Пóслежде прия́л еси́ досто́инство мона́ха и священника, по сих и архимандрита, но и во всём житии́ твоём мно́гая ле́та не имёл еси́ себе́ пристáнища. И на кладби́щи среди́ моги́л нема́ло жи́л еси́, пита́йся пода́нием, и та́ко Го́споду своему́ послéдуя, не иму́щему, гдé главу́ подклонити. Сего́ ра́ди твоим по Христé шéствием поу́чаеми, зове́м ти́ си́це:

Ра́дуйся, гони́мый, я́ко вси́ о Христé благоче́стно жи́ти хотя́щи; ра́дуйся, Господе́нь апо́столе, без сумы́ и зла́та по́сланный.

Ра́дуйся подви́жнике, до вре́мене никимже по́знанный; ра́дуйся, по́слежде все́ми люби́мый и почита́емый.

Ра́дуйся, житие́м среди́ моги́л стра́х навсегда́ победи́вый; ра́дуйся, еди́наго греха́ отто́ле боя́ться научи́выйся.

Ра́дуйся, гла́д и мраз в ничто́же вменя́я любви́ ра́ди Христóвы; ра́дуйся, рекий, я́ко скорбьми́ науча́емся ве́ре и любви́.

Ра́дуйся, блаже́нне Гаври́ле, любви́ свою́ в научéние на́м оста́вивый.

### Конда́к 4.

**Ц**е́рковь Христóву, в за́пустении́ бы́вшую, возсози́дал еси́, о́тче Гаври́ле, ещё́ изде́тка игра́я, о́трок же сый, тяжкие́ ка́мни нося́ и це́рковь пору́шенную возводя́ по зо́ву свята́го Гео́ргия, по сих же и хра́м свой́ прекра́сный созда́в, в него́же и ны́не прихо́дят ве́рнии воспéти Бо́гу: Аллилу́ия.

### И́кос 4.

О́тче Гаври́ле, сози́дая святы́ни, и о́бразы по дома́м собира́я, раде́л еси́ ты́, дабы́ же́ртва Бо́гови приноси́лася и та́инства соверша́лися, и та́ко да возсозда́ни бу́дут хра́ми пору́шению в душа́х челове́ческих, да возно́сится в них моли́тва Бо́гови. Сего́ ра́ди мы́, благода́рнии, взыва́ем си́це:


Ра́дуйся, святы́нь благоговейный храните́лю; ра́дуйся, ико́н, в небреже́нии бы́вших, попечите́лю.

Ра́дуйся, во вся́цем челове́це ико́ну Бо́жию лицезре́вый; ра́дуйся, о́браз пору́шенный челове́ком возвра́щай.

Ра́дуйся, хра́м сво́й велеле́пый созда́вый и воссозда́вый; ра́дуйся, ему́же а́нгели я́ко подмасте́рия служа́ху.

Ра́дуйся, хра́м сво́й телесный свя́т и чи́ст в служе́ние Бо́гови угото́вавый; ра́дуйся, я́ко ны́не мо́щи твоя́ исто́чают благода́ть.

Ра́дуйся, блаже́нне Гаврии́ле, любо́вь свою́ в науче́ние на́м оста́вивый.



### Конда́к 5.

**О**́тче святы́й, ты́ ре́кл еси́, я́ко мона́ху твёрду во и́стине бы́ти подоба́ет. Ты́ же до кро́ве и до сме́рти свиде́тельствовал еси́ ве́ру твою́, егда́ изше́л еси́ на пло́щадь, а́ки на три́знице, дре́вним му́чеником подо́бен, сме́рть Христа́ ра́ди предпоче́т согла́сию с поклоне́нием идо́льским. Твоему́ дерзнове́нию подража́ти не могу́ще, взыва́ем Укре́пльшему́ тя: Аллилу́ия.

### И́кос 5

Твёрдо шёл еси́, о́тче, на му́ки и сме́рть, егда́ огнём возже́гл еси́ изображе́ние идо́льское, глаго́ля за́поведь Господню́, е́же не сотвори́ себе́ куми́ра, ни вся́каго подо́бия его́, па́ству свою́ науча́я Бо́гу еди́ному воздава́ти поклоне́ние. Те́мже мы́, малове́рнии, восхваля́ем тя си́це:


Ра́дуйся, богодохнове́нный ве́ры испове́днице; ра́дуйся, до́брый па́стырю, о па́стве сво́ей раде́яй.

Ра́дуйся, Христа́ ра́ди пострада́ти жела́вый; ра́дуйся, сугу́бая муче́ния, в темни́це и среди́ безу́мных претерпе́вый.

Ра́дуйся, сме́рти то́кмо си́лою Бо́жиею избе́гнувый; ра́дуйся, отто́ле я́ко безуме́ц вменённый.

Ра́дуйся, я́коже отрёби́ миру́ бы́вый; ра́дуйся, торже́ство Цёркве но́ваго време́не.

Ра́дуйся, блаже́нне Гаврии́ле, любо́вь свою́ в науче́ние на́м оста́вивый.



## Конда́к 6.

**Я**ко мона́х тща́тельнеший, о́тче Гаври́иле, вся́ за́поведи храни́л еси́, наипа́че же смире́ние, я́ко Бо́гу свещу́ неугаси́мую. Ещѣ́ о́троку тебе́ бы́вшу, де́лал еси́ кучу́ со́ра седа́лище свое́, себе́ а́ки ничто́же вменя́я. По́двиг же юро́дства на себе́ подъя́в, себе́ явля́ше а́ки безу́мца и а́ки пи́аницу, и а́ки последня́го гре́шника. Таковому́ по́двигу твоему́ хвале́ние возно́сяще, воспева́ем до крѣстны́я сме́рти смири́вшему Ся́ Христу́ Бо́гу: Аллилу́ия.

## И́кос 6.

Глаго́лал еси́, о́тче, и ча́дом своим смире́ние стяжа́ти, я́ко в Ра́й вводя́щее, и мно́гажды поуча́л еси́ сопроти́в грехо́в горды́ни, и вои́стинну то́ жити́ем своим явля́л еси́, николи́же своя́ дарова́ния показу́я, но то́кмо смотре́тельно явля́я, по́льзы ра́ди ве́рных. Мы́ же, горды́нею свое́ю связа́ны бы́вше, а́ки у́зами мно́гими, взыва́ем ти́ си́це:


Ра́дуйся, я́ко па́губу мона́ху похва́лу именовавый; ра́дуйся, тебе́ оби́девших, оскорби́вших и посмея́вшихся ещѣ́ па́че жалѣ́й и любя́й.

Ра́дуйся, я́ко возвы́шение себе́ я́ко ме́рзость пред Го́сподем ви́дяй; ра́дуйся, я́ко во осужде́нии то́кмо неразу́мие, е́же е́сть незна́ние себе́, прозре́вый.

Ра́дуйся, я́ко приходя́щаго к тебе́, а́ще гре́шен еси́, вопроша́ше; ра́дуйся, сама́го себе́ а́ки гре́шника и́стинно испове́давый.

Ра́дуйся, я́ко про́поведию свое́ю смире́нною си́лу Бо́жию явля́й; ра́дуйся, а́ки отро́ча, в Ца́рствие Небе́сное невозбра́нно вше́дый.

Ра́дуйся, блаже́нне Гаври́иле, любо́вь свою́ в науче́ние на́м оста́вивый.



### Конда́к 7.

**Н**аро́да свое́го ско́рби в се́рдцы нося́, о́тче Гаври́иле, о Гру́зии, уде́ле избра́ннем Бо́жия Ма́тере, усе́рдно моли́твы возсыла́л еси́, глаго́ля, я́ко горе́ мона́ху, не моля́щуся о наро́де свое́м. За тако́вое твоё усе́рдие сыно́внее, поём с тобо́ю Отцу́ все́х Бо́гу: Аллилу́ия.

### И́кос 7.

Предвозвеща́л еси́, о́тче, Гру́зии, во тьме́ неверия́ су́щей, и Це́ркви ея́ гонимей воскресе́ние, я́коже Лаза́рю, оба́че чрез вели́кая испытáния. И бы́л еси́ ко́сть от ко́сти наро́да свое́го, и святы́я Ни́ны и со́нма святы́х грузи́нских ча́до духо́вное. Оба́че и Еги́петскому Мака́рию и Сара́вскому Серафи́му бра́т о Христе́ и сота́инник и́стинный. И ны́не все́ концы́ земли́ тебе́ пою́т:


Ра́дуйся, до кончи́ны свое́я се́рдцем о Гру́зии боле́яй; ра́дуйся, на Афóн поменя́ти ю́ не возжела́вый.

Ра́дуйся, просветле́ние духо́вное наро́да свое́го прови́дай; ра́дуйся, пред Вторы́м Прише́ствием сла́ву Гру́зии провозвестивый.

Ра́дуйся, я́ко аз уношу́ любо́вь ко все́му наро́ду правосла́вному, пред кончи́ною рекий; ра́дуйся, я́ко крест сво́й всю́ Гру́зию и полови́ну Росси́и именовáвый.

Ра́дуйся, стра́ждущия Гру́зии сы́не ве́рный; ра́дуйся, ма́ма Габриэ́ли, все́м правосла́вным ми́ра о́тче чадолюбивый.

Ра́дуйся, блаже́нне Гаври́иле, любо́вь свою́ в науче́ние на́м оста́вивый.



## Конда́к 8.

**О**т младе́нства ми́лостив и ми́лосе́рд бы́л еси́, о́тче Гаври́иле, по́стнический же по́двиг проше́д и испове́дничеством просия́в, дости́гл еси́ в лю́бовь Христо́ву, я́же е́сть исполне́ние зако́на. Тою́ лю́бовию тво́ею мы́ согрѣяни бы́вшие, бли́жнии и да́льнии, благода́рно зове́м все́х бла́г Подате́лю: Аллилу́ия.

## И́кос 8.

Образ лю́бве соверше́нныя о Христо́е Иису́се яви́л еси́ на́м, о́тче преподо́бне, я́же не зави́дит, не мы́слит зла́, ра́дуется же о и́стине, вся терпи́т, все́му ве́ру е́млет, я́же николи́же отпа́дает. Все́якого челове́ка приима́л еси́ ты́ в объ́ятия ду́ши свое́я. Те́мже мы́, ча́да тво́я, зове́м ти́:

Ра́дуйся, егóже се́рдце горя́ бе о Христо́е, я́коже у апо́стол на пу́ти во Еммау́с; ра́дуйся, в бли́жнем свое́м Христа́ всегда́ лицезрэ́вый.

Ра́дуйся, ему́же лю́бы даде́ зрѣние ду́ш челове́ческих; ра́дуйся, ему́же лю́бы даде́ па́мять николи́же ослабева́ющую.

Ра́дуйся, нико́гоже еди́ножды ви́деннаго забвѣнию преда́вый; ра́дуйся, я́ко оте́ц грехи́ их с лю́бовию обли́чаяй.

Ра́дуйся, челове́ка без лю́бве я́ко сосу́д без дна́ именовáвый; ра́дуйся, я́ко Па́исий ста́рец, ду́шу свою́ бли́жняго ра́ди положи́вый.

Ра́дуйся, блаже́нне Гаври́иле, лю́бовь свою́ в научѣние на́м оста́вивый.



## Конда́к 9.

**М**олитва твоя, блаженне, дося́заше до небес, бяше бо со смире́нием, страхом Бо́жиим и со слеза́ми, даде́ся бо тебе́ да́р слезный, и в це́ркви-ке́ллии твое́й на ме́сяцы затво́ряся, пла́каше, я́коже ста́рец Си́луан, о своих гресе́х, о оте́честве твоём, и о все́м Ада́ме. Сего́ ра́ди, и дне́сь, мо́лиши о нас, твои́х моли́тв прося́щих, Бо́гу же пою́щих: Аллилу́ия.

## И́кос 9.

Наипа́че призыва́л еси́, па́стырю рачи́тельный, дабы́ моли́тва не была́ во грех, да моли́тве то́й до́брая дела́ последуют – та́ко подоба́ет моли́тися. Моля́йся же и за́поведи не исполня́й – зле́ мо́лится, та́ко глаго́лал и де́лал еси́. И мы́ я́ко па́стырю на́шему та́ко взыва́ем ти́:

Ра́дуйся, запове́довавый Бо́гу со стра́хом предсто́яти; ра́дуйся, наказу́яй неспе́шно моли́тися, а не тра-та-та глаго́лати.

Ра́дуйся, я́ко Бо́гу все́у стужа́ти возбрана́вый; ра́дуйся, я́ко моли́тву без де́л ме́ртвою именовавый.

Ра́дуйся, я́ко моли́тися за бли́жняго уча́й, та́ бо моли́тва любви́ науча́ет; ра́дуйся, я́ко начина́ти о бли́жних моли́тися, и та́ко да́же до враго́в доходи́ти наставля́яй.

Ра́дуйся, я́ко на моли́тве вопи́ти, я́ко младе́нцу к ма́тери, дале́че су́щей, сказу́яй; ра́дуйся, ка́яться бо́лее се́рдцем, не́же слеза́ми призыва́яй.

Ра́дуйся, блаженне Гаврии́ле, любо́вь свою́ в науче́ние на́м оста́вивый.



## Конда́к 10.

**В**ѣру правосла́вную, от отце́в пре́данную, твёрдо храни́л еси́, Гаври́иле преподо́бне, я́коже отцы́ глаго́лаху, у́не е́сть тебѣ блудни́ку бы́ти, не́же ерети́ку, Поне́же, ре́кл еси́, не́сть любве́ спаси́тельныя кромѣ Го́спода Иису́са Христа́, И́же е́сть И́стина и Живо́т. Те́мже мы́, твоему́ стоя́нию в вѣре поуча́ясь, прино́сим Бо́гу ревни́телю хвале́бную пѣснь: Аллилу́ия.

## И́кос 10.

Любя́й вся́каго чело́века, о́тче, любве́ исполненный, ты́ ре́кл еси́ отме́татися ерети́ков, глаго́ля: я́ко от Го́спода запове́дано бы́сть, не дава́ти святи́ни псо́м, ни́же помета́ти бисер пред сви́ньями, та́кожде и о е́реси ересей упрежда́л еси́, я́же е́сть екумени́зм, изме́ною Христу́ нарица́я. Те́мже мы́, чело́веком па́че, не́же Бо́гу угожда́ющей, зове́м ти́:


Ра́дуйся, вѣру свою́ позво́лити руга́ти, поги́бели приравня́вый; ра́дуйся, без це́ркве живу́щих я́ко богоху́льников вменя́вый.

Ра́дуйся, я́ко за своё ро́ждение в вѣре правосла́вней Бо́га благодарити запове́давый; ра́дуйся, я́ко пещи́ся о е́же спасу́тся ли во инѣх вѣрах су́щии, не веле́вый.

Ра́дуйся, любовь́ свою́ и на самѣх враго́в Бо́жиих простира́яй; ра́дуйся, своим приме́ром в пра́вую вѣру обраща́яй.

Ра́дуйся, я́ко временá анти́христа ско́ро хотя́щая бы́ти предрека́яй; ра́дуйся, имѣти вѣру в се́рдцы, а не в ра́зуме, дабы́ того́ распозна́ти, призыва́яй.

Ра́дуйся, блаже́нне Гаври́иле, любовь́ свою́ в науче́ние на́м оста́вивый.



### Конда́к 11.

**П**одви́жнице дѣвнѣй, тебѣ Господь, смиренныя возносяй, сицевыми дарми обогати, якоже гостившим в келлии твоей сердце умиляшеся сознанием грехов своих. Имел бо еси ты власть удаляти из мыслей вся злая и оставляти токмо яже к Царствию Небесному полезная. Тою силою Господнею в тебе действующею изумлени бывше, рцем Господу, дивному во святых Своих: Аллилу́ия.

### И́кос 11.

Мно́гия исцелил еси ты, отче, являя им помыслы и тайная души их. По молитве твоей дождь велий абие преста, егда покойнаго погребати надлежаше. Ты же посту и бдению прилежа, юродством скрывал еси дары своя и сияние души своея. Ныне же, поклоняющеся иконе твоей и от тебе помощи просяще, взываем сице:


Ра́дуйся, дарова́ньми своими ме́ру сме́ртных превозше́дый; ра́дуйся, яко бесе́дою свое́ю глубо́кое раская́ние дарова́вый.

Ра́дуйся, в созерца́нии во и́нем монасты́ре гостивы́й и та́мо бывша́я пове́давы́й; ра́дуйся, младе́нца во утробе ма́терни сло́во Бо́жие слу́шати благослови́вый.

Ра́дуйся, е́муже Госпо́дь даде́ прозре́ти глуби́ны ду́ш челове́ческих; ра́дуйся, яко апо́стол любви́, на пе́рсах Госпо́дних возлежа́й.

Ра́дуйся, яко то́му подобне́, тебѣ Госпо́дь безвѣстна́я и тайна́я Своя́ явил е́сть; ра́дуйся, яко бу́е Бо́жие премудре́е челове́к бы́ти свиде́тельствова́вый.

Ра́дуйся, блаже́нне Гаврии́ле, любви́ свою́ в науче́ние на́м оста́вивый.



## Кондак 12.

**П**оследних времён подвижнице,  
поучал еси ты паству твою, яко ныне  
Бог взыскует от нас любви, яже изсяче  
от беззаконий многих, токмо бо  
любовию сможет человек устояти в  
вере пред кончиною века. И яко тоя  
делатель и учитель, ныне с лики  
безплотных приносиши Пресвятей  
Троице блаженную песнь: Аллилуия.

## Икос 12.

Поучал еси, отче святыи, яко в любви есть союз совершенств, и сия есть  
конечное обожение. Посему и враг человеческий супротив нея подымает  
наивышшую брань, зело скорбя о ней. Сего ради всему предпочитати  
подобает дела любви, понеже без дел мертвa есть. Мы же, каплю тоя  
наследовати хотяще, поем ти:

Радуйся, пяти мудрым девам уподобивыйся; радуйся, сотворивый и  
научивый.

Радуйся, мудрый любви делателю и к деланию призываяй; радуйся,  
любовь яко подвиг, нашему времени данный, нарицааяй.

Радуйся, еже той научити, своею заботою первейшею полагааяй; радуйся,  
яко прошение о милостыни аки милость Божию вменяти назидаяй.

Радуйся, любви служителю и рачителю, сия бо есть Сам Господь; радуйся,  
яко без Христа вся ничтоже суть, заповедавый.

Радуйся, блаженне Гаврииле, любовь свою в научение нам оставивый.



### Конда́к 13.

**О**, блаже́нный о́тче, подви́жниче и испове́дниче, ве́рный Христо́в служи́телю, все́ жити́е свое́ Тому́ усокро́виществовавший и по кончи́не свое́й в Не́м сокрови́ще свое́ обреты́й, я́коже са́м предре́кл еси́. Ны́не со а́нгелы и со все́ми святы́ми предсто́я Престо́лу Госпо́дню, помоли́ся о на́с, ма́ма Габриэ́ли, с мольбо́ю к тебе́ прибега́ющих, умоли́ милосе́рдаго Влады́ку, да и в на́ша изсо́хшая го́рдостию се́рдца пролие́тся ка́пля

твоего́ блаже́ннаго упова́ния, ве́ры и любве́. Да поём с тобо́ю: Аллилу́ия.

*Этот конда́к читае́тся трижды, затем и́кос 1-й и конда́к 1-й.*

### И́кос 1.

Ева́нгелие обрёт, я́коже сокрови́ще, на селе́ сокры́тое, с ра́достию вся́ расточи́л еси́, да Христа́ приобре́щещи, и я́коже ку́пленный ра́б в виногра́де Госпо́днем неле́нотно де́лал еси́. И мы́ тебе́ поём:

Ра́дуйся, де́лателью пе́рваго часа́; ра́дуйся, я́ко раба́, ничесо́же сотво́рша, себе́ вменя́й.

Ра́дуйся, я́ко апо́стол Андре́й, на зо́в Христо́в не замедли́вый; ра́дуйся, я́ко Пе́тр, горя́чим се́рдцем его́ прие́мый.

Ра́дуйся, от Него́ ничто́же себе́ утаи́вый; ра́дуйся, я́ко ле́пте вдови́чи все́ жити́е свое́ в да́р Бо́гу вве́ргнувший.

Ра́дуйся, до́брая земле́, на нейже се́мя прозябе́ и припло́дова; ра́дуйся, таланты́, от Бо́га да́нныя, мно́гажды возрасти́вший.

Ра́дуйся, блаже́нне Гаврии́ле, любо́вь свою́ в науче́ние на́м оста́вивый.

## **Кондак 1.**

Мудрости века сего юродство креста Христова предпочёт, вся мира сладкая и льстивная якоже изгребие пещное вменил еси, отче Гаврииле. И крест свой взем, единому Христу последовал еси издетска и до последнего издыхания. И тако вошёл еси в Небесныя Обители, идеже ныне предстоя своему Владыце, молиши о нас, поющих ти:

Радуйся, блаженне Гаврииле, любовь свою в научение нам оставивый.

## **Молитва святому Гавриилу грузинскому.**

Отче святой, блаженне Гаврииле, преподобным древним подобниче и твердый исповедниче, с малых лет словеса Господня восприявый и тем ревностно следовавый! Се мы, раби ленивии и лукавии тебе предстоим с молитвою, не имеющие ни подвигов твоих, ниже смирения, но себе на всяк день в души хваляще и величающе, еще же и врагов вовне себе ищуще! Не имамы пред Богом чем оправдаться! Но моли за нас, отче, да подаст нам Господь силы слово Свое разумети и исполнять, якоже тебе от младенства откры. Да будем мы, себе христианы именующе, не токмо слышателие рассеянии, но и исполнителие. Да уразумеем лице бытия своего, яко ничесоже можем кроме помощи Божия. И да възыщем тоя и да возлюбим Его, и да прилепимся к Немю всею душею своею, всем сердцем своим, всем помышлением своим, и да будет сердце наше, по слову твоему, преданным Господу. И да подаст нам залог спасения в души наша, радость, мир и любовь в сердца наша, примирение во всех нестроениях наших, утешение во всех скорбех наших, не от дел наших, но молитвами твоими, по неизреченней милости Своей, Ему же слава и держава во веки веков.

**Аминь.**

## **Правила чтения**

Акафист читается всегда стоя. Лишь люди, которые по медицинским показаниям не способны долгое время находиться на ногах, имеют право сидеть или лежать.

Читать можно как в церкви, так и дома. В любом случае, важно отрешиться от мирских забот и ни на что не отвлекаться.

После утреннего и вечернего правила молебен начинается до слов «Достойно есть...».

В остальные часы акафисту должны предшествовать предначинательные молитвенные обращения.

## **После акафиста читается молитва**

Молитва святому преподобноисповеднику Гавриилу Ургебадзе,  
Самтаврийскому

«Отче святыи, блаженне Гаврииле, преподобным древним подобниче и твердый исповедниче, с малых лет словеса Господня восприявый и тем ревностно последовавый! Се мы, раби ленивии и лукавии тебе предстоим с молитвою, не имеюще ни подвигов твоих, ниже смирения, но себе на всяк день в души хваляще и величающе, еще же и врагов вовне себе ищуще! Не имамы пред Богом чем оправдитися! Но моли за нас, отче, да подаст нам Господь силы слово Свое разумети и исполняти, якоже тебе от младенства откры. Да будем мы, себе христианы именующе, не токмо слышателие рассеянии, но и исполнителие. Да уразумеем лице бытия своего, яко ничесоже можем кроме помощи Божией. И да възыщем тоя и да възлюбим Его, и да прилепимся к Нему всею душею своею, всем сердцем своим, всем помышлением своим, и да будет сердце наше, по слову твоему, преданным Господу. И да подаст нам залог спасения в души наша, радость, мир и любовь в сердца наша, примирение во всех нестроениях наших, утешение во всех скорбех наших, не от дел наших, но молитвами твоими, по неизреченней милости Своей, Емуже слава и держава во веки веков. Аминь»

Тропарь Гавриилу Ургебадзе, глас 4

Яко Владыка Христос Божественное естество Свое / человеческим  
сокры, / и тако нам незримым содела / несказанное Величество Свое, / ты  
же, всехвальный отче Гаврииле, / Ему уподобился еси, / подвигом  
юродства сокрывый духовное сияние твое, / и исповедничеством Веры  
ставый пастырем истинным, / преподобный отче Гаврииле, // моли Христа  
Бога спастися душам нашим.

Ин тропарь святому Гавриилу Самтаврийскому,

Глас 8

Николиже своея славы желая, токмо славы Божия, / юрод во Христе,  
преподобне отче Гаврииле, явился еси, / и идолу не поклонься,  
всесожжение Богу принеся еси, / и храм Божий воздвиг, душу свою храм  
благолепен соделал еси, / и зеркало чистое Божественная любовь явился  
еси. / Отче Гаврииле блаженне, исповедниче и преподобне, / моли Христа  
Бога тою любовью оросити и души наша.

Кондак святому Гавриилу Ургебадзе,

глас 4

Необъятно есть милосердие Божие, / Егоже благостию лицезреем мы  
создание Им обоженное, / ты же отче преподобне, / образ Создателя твоего  
в себе утвердил еси, / и вознесл еси страдания естество твое в подобие  
Божие, / темже славим тя, отче Гаврииле, / яко достоин еси ты всякия  
похвалы, / был еси на земли цевница правды, проповедник любви и голубь  
чистоты, / а твоим всечудным смирением / открыл еси миру кладезь  
мудрости, / и ныне на Небеси ты еси // ходатаю милосердия Божия и  
нашего спасения.

Ин кондак святому Гавриилу Самтаврийскому,

глас 5

Свети́льник горя́й и светя́й/ во времена́ безбо́жия яви́лся еси́,/ и зарю́  
благоче́стия всем возсия́л еси́:/ те́мже Госпо́дь ты просла́ви,/ своя́  
безвѣстная и та́йная тебе́ яви́в:/ о́тче Гаври́иле,/ моли́ ми́лостиваго Бо́га/  
поми́ловатися душа́м на́шим пока́нием.

Величание

Ублажаем тя, / преподобне отче Гаврииле, / и чтим святую память твою, /  
наставниче монахов / и собеседниче ангелов.

К святым образам преподобного Гавриила Самтаврийского обращаются с  
молитвенными просьбами и прославлениями.

Источник: <https://pravoslavyyu.ru/molitvy/akafist/gavriilu-urgebade>

Молитва

У иконы Божьего угодника молятся об исцелении больных, стойкости в  
вере, милости и прощения грехов у Господа.

О здоровье болящего

Отче святы́й, блаженне Гаври́иле, преподобным дре́вним подобниче и  
тверды́й исповедниче, с малых лет слова Господня восприявы́й и тем  
ревностно последовавы́й! Се мы, раби ленивии и лукавии тебе предстоим  
с молитвою, не имеюще ни подвигов твоих, ниже смирения, но себе на  
всяк день в души хваляще и величающе, еще же и врагов вовне себе  
ищуще! Не има́мы пред Богом чем оправдирися! Но моли за нас, отче, да  
подаст нам Госпо́дь силы слова Свое разуме́ти и исполня́ти, якоже тебе от  
младенства откры. Да будем мы, себе христианы именующе, не токмо  
слышателие рассеянии, но и исполнителие. Да уразумеем лице бытия  
своего, яко ничесо́же можем кроме помощи Божией. И да взыщем тоя и да  
возлю́бим Его, и да прилепимся к Нему́ всею душо́ю своею, всем сердцем

своим, всем помышлением своим, и да будет сердце наше, по слову твоему, преданным Господу. И да подаст нам залог спасения в души наша, радость, мир и любовь в сердца наша, примирение во всех нестроениях наших, утешение во всех скорбях наших, не от дел наших, но молитвами твоими, по неизреченной милости Своей, Ему же слава и держава во веки веков. Аминь.

Перед иконой

Пресущественным светом блистаеши, отче наш, всеблаженне чудотворче Гаврииле, Божией силою преисполненне, просьбы наши исполняеши и мир даруеши с верою притекающим ко святому образу твоему и с умилением пред ним преклоняющимся, и горячее моление тебе воздающим: не отрини нас, устыдившихся беззаконий наших, обаче помилуй и укрепи, умоли Господа, дабы выдержати нам и победити демонские полки, лесь и злодеяния мира сего, а народу нашему подай силу в одолении коварных врагов и Святую Православную Церковь нашу в мире и непоколебиму сохрани.

Святой и честный образ твой, отче наш Гаврииле, явлен нам во спасение наше, ради стойкости в вере и служении Богу в ожидании милости Его; Ты же, Христа верный служителю, всехвальне отче Гаврииле, огради ныне паству твою от всяческих напастей и бед, да молитвами твоими беспорочно пройдем путь жития нашего и обрящем Отечество Небесное. Аминь.

Источник: <https://pravoslavyy.ru/molitvy/akafist/gavriilu-urgedadze>

*5 декабря 2014 года Священный Синод Русской православной церкви постановил «включить в месяцеслов и Русской Православной Церкви имя преподобного Гавриила Самтаврийского с установлением празднования его памяти 2 ноября, как это установлено в Грузинской Православной Церкви».*

*По материалам сайта «Азбука Веры»*